

## 2. gr.

12

23. jan.

5. gr. orðist svo:

Rafmagnsveitan leigir notendum mæla. Leiga eftir mæli er 12 — tólf — krónur yfir árið og greiðist á sama gjalddaga og rafmagnið.

## 3. gr.

Við gjaldskrána bætist ný grein, er verður 6. gr., svo hljóðandi:

Gjald fyrir hleðslu á rafgeymum skal vera kr. 1.50 — ein króna og fimmtíu aurar — fyrir hvern geymi.

Gjaldskrárbreyting þessi staðfestist hér með samkvæmt vatnalögum, nr. 15 20. júní 1923, til að öðlast gildi þegar í stað og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 23. janúar 1946.*

**Emil Jónsson.**

*Páll Pálmason.*

## REGLUGERÐ

13

23. jan.

### fyrir vatnsveitu Ólafsvíkurkaupþúns.

## 1. gr.

Hreppsnefnd Ólafsvíkurhrepps hefur einkaleyfi til reksturs vatnsveitu og sölu vatns á svæði því, er vatnsveitan nær yfir og hún getur fullnægt.

## 2. gr.

Hreppsnefndin lætur leggja vatnsæðar svo víða um kaupþúnið, sem fært þykir og þörf krefur, svo að húseigendur eigi greiðan aðgang að þeim við veg, götur eða annað almenningssvæði, er lóðir þeirra liggja að eða eru í námunda við, og verður enginn krafinn um vatnsskatt fyrr en svo er.

## 3. gr.

Frá vatnsæðum vatnsveitunnar má enginn leggja vatnsæðar, nema með leyfi hreppsnefndar.

## 4. gr.

Hreppsnefndin hefur yfirumsjón með vatnsveitukerfi hreppsins, en heimilt er henni að ráða sérstakan umsjónarmann, vatnsveitustjóra, er hafi eftirlit með vatnsveitukerfinu, samkv. erindisbréfi, er hreppsnefnd setur honum.

## 5. gr.

Af öllum húsum í hreppnum, eða séreignaribúðum í húsum, sem vatn er í eða úr næst til vatnsæða í götu, vegi eða opnu svæði, skal greiða vatnsskatt. Skatturinn skal lagður á eftir hinu lögskipaða fasteignamati, að undanskildu virðingarverði lóðanna. Skattinn skal greiða af virðingarverði fastra véla, sem í húsinu eru, ef þær eru vátryggðar ásamt því.

13

6. gr.

23. jan.

Vatnsskatturinn skal vera eins og hér segir:

I. Af fyrstu 8000.00 kr. greiðist 12 af þúsundi.

— næstu 4000.00 — — 6 — —

— — 4000.00 — — 3 — —

— — 4000.00 — — 2 — —

— því, sem þar er fram yfir 1,5 — —

Þó skal lágmarksskattur vera kr. 50.00 á hús. Fyrir vatnshana utanhúss og í peningshúsum og öðrum hliðstæðum útihúsum skal greiða 15 kr.

II. Fyrir vatn til skipa og báta 10 kr. fyrir smalest. Minnsta gjald 5 kr.

III. Fyrir verksmiðjur, frystihús, sláturhús, saltfisksverkunarhús, baðhús, þvottastöðvar, hreyfivélar, iðnaðarfyrirtæki og til annarrar slíkrar notkunar er hreppsnefndinni heimilt að ákveða vatnsskatt með samningi við hlutaðeigendur. Náist ekki samkomulag um upphæð skattsins, skal hann innheimtur með mæli. Greiðist þá af ársnotkun 5 kr. fyrir hverja 100 hl upp að 10 þúsund hl, en minna fyrir það, sem umfram er, eftir nánari ákvæðum hreppsnefndarinnar. Vatnsveitan leggur til mæla, en notendur greiða hæfilega leigu eftir þá.

7. gr.

Hreppsnefndinni er heimilt að leggja á og innheimta vatnsbólsskatt á húseignir þær, sem vatn taka með einkaleiðslu úr vatnsbóli hreppsins, meðan leiðslur þessar hafa ekki verið keyptar eða teknar eignarnámi af hreppsnefndinni.

Vatnsbólsskattur þessi skal vera 5 af þúsundi af fasteignamati húss eða sér-eignaribúð í sameignarhúsi. Þó skal lágmark þessa vatnsbólsskatts vera kr. 15.00.

8. gr.

Gjalddagi vatnsskatts og vatnsbólsskatts er sami og útsvara, og greiðist í fyrsta sinn fyrir árið 1945. Vatn til skipa skal greiða við afhendingu og eins vatn til atvinnureksturs, sem starfar um stundarsakir. Vatnsskatt og vatnsbólsskatt má taka lögtaki. Má gera lögtök í hinu skattskylda húsi, án tillits til eigendaskipta. Skatturinn nýtur lögveðsréttar í húsinu næstu 3 ár eftir gjalddaga, með forgangsveði fyrir hvers konar samningsveði og aðfararveði.

9. gr.

Hreppsnefndin hefur á hendi reikningshald vatnsveitunnar og innheimtu. Reikningsárið er almanaksárið og skulu reikningar vatnsveitunnar endurskoðaðir með hreppsreikningum ár hvert.

10. gr.

Ef tekjur vatnsveitunnar hrökkva ekki fyrir gjöldum, getur hreppsnefndin hækkað vatnsskattinn um allt að 50%, þó ekki lágmarksskatt á húsum.

11. gr.

Hverjum húseiganda ber að greiða allan kostnað við lagningu vatnsæða úr götulögnum í húseign sína. Hreppsnefndin löggildir menn, er hún telur hæfa til þess að leggja vatnsæðar þær, er vatnsveitan eða einstakir menn eiga að kosta. Engir aðrir en þeir, sem þannig hafa fengið löggildingu, mega leggja æðar frá vatnsveitunni í hús eða um þau, annast viðgerðir eða gera breytingar á vatnsæðum.

12. gr.

Skylt er hverjum húseiganda að halda vatnsæðum sínum vel við og láta tafarlaust gera við þær, ef leki kemur að þeim eða þær bila. Sérstaklega skal hann gæta þess, að ekki frjósi í æðunum. Enginn má eyða vatni að óþörfu.

## 13. gr.

Hreppsnefnd og vatnsveitustjóra og löggiltum pípulagningamönnum er heimilt að fara um hús manna, þar sem vatnsæðar liggja, til þess að athuga þau tæki og þá mæla, er sett eru í samband við þær. Þyki þeim útbúnaði að einhverju leyti ábótavant, skal tafarlaust bæta úr því á kostnað eiganda.

13

23. jan.

## 14. gr.

Hreppsnefnd er heimilt að loka vatnsæðum fyrir þeim, sem vanrækja að láta gera við leka á pípum eða tækjum, sem eru í sambandi við þær, eða eyða vatni að óþörfu, svo og fyrir þeim, er ekki greiðir vatnsskatt, efni, vinnu eða annað, sem vatnsveitan kann að leggja til, á réttum gjalddaga. Fullan vatnsveituskatt ber að greiða fyrir hús, þótt vatnsæðum sé lokað vegna bilana eða annarra óviðráðanlegra ástæðna.

## 15. gr.

Brot á reglugerð þessari varðar sektum allt að 500 krónur, nema þyngri refsing liggji við að lögum.

Reglugerð þessi, sem hreppsnefnd Ólafsvíkurhrepps hefur samið og samþykkt, staðfestist hér með samkvæmt vatnalögum, nr. 15 20. júní 1923, til þess að öðlast þegar gildi og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 23. janúar 1946.*

**Emil Jónsson.**

*Páll Pálmason.*

## REIKNINGUR

14

yfir tekjur og gjöld Dalhoffslegats árið 1945.

### Tekjur:

1. Eign í ársbyrjun:			
a. Veðdeildarbréf .....	kr.	3400.00	
b. Ríkisskuldabréf .....	—	1000.00	
c. Innstæða í Landsbanka Íslands .....	—	2541.69	
			kr. 6941.69
2. Vextir:			
a. Af veðdeildarbréfum .....	kr.	130.00	
b. — ríkisskuldabréfum .....	—	55.00	
c. — innstæðu í Landsbanka Íslands .....	—	90.57	
			— 275.57
			Kr. 7217.26

### Gjöld:

Eign í árslok 1945:			
a. Veðdeildarbréf .....	kr.	1800.00	
b. Ríkisskuldabréf .....	—	1000.00	
c. Innstæða í Landsbanka Íslands .....	—	4417.26	
			— 7217.26
			Kr. 7217.26

Biskupinn yfir Íslandi, Reykjavík, 23. janúar 1946.

**Sigurgeir Sigurðsson.**